



D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 24 de xaneiro de 2020**, adoptou o seguinte acordo:

16.- TRANSFERENCIA DE FINANCIAMENTO DO CONCELLO DE VIGO Á FUNDACIÓN MARCO PARA FUNCIONAMENTO DURANTE O EXERCICIO 2020. EXPTE. 2657/341.

Visto o informe xurídico do 30/12/19 e o informe de fiscalización do 14/01/2020, dáse conta do informe-proposta do 20/12/19, asinado polo xefe do servizo de Museos Municipais, o xefe do Servizo de Xestión e Promoción Cultural, o concelleiro-delegado de Cultura e o concelleiro de Orzamentos e Facenda, que di o seguinte:

Con data 13 de decembro de 2019 a Fundación Marco presenta a través da Sede Electrónica do Concello de Vigo a solicitude, subscrita polo seu director, de transferencia de financiamento para 2020, por importe de 605.000 € e que se aprobe o calendario de pagamentos e achegan a documentación correspondente.

Con data 17 de decembro o concelleiro-delegado da Área de Cultura, Emprego e Participación Cidadá resolve que polo Servizo de Museos Municipais se inicie o expediente de transferencia de financiamento á FUNDACIÓN MARCO para funcionamento durante o período 2020, por importe de **605.000,00 €** e con cargo á partida 3330.489.00.03 "Fundación Marco", incluída no presuposto de 2020 do Concello de Vigo, aprobado inicialmente polo Pleno da Corporación Municipal de data 15 de novembro de 2019 e, por tanto, condicionada á aprobación definitiva e vixencia do presuposto municipal para exercicio económico do ano 2020.

ANTECEDENTES.-

No actual exercicio económico, a achega económica do Concello de Vigo á Fundación Marco (Museo de Arte Contemporánea de Vigo) xestionouse a través dunha transferencia de financiamento xeral do seu programa de actividades e funcionamento correspondente a 2019 por importe de 605.000 €, aprobada pola Xunta de Goberno Local na súa sesión do 21 de febreiro de 2019 (expediente 2340-341). Esta fórmula de financiamento substituíu á de subvención nominativa, que viña aplicándose ata o exercicio económico 2015, segundo os diversos informes do Servizo de Fiscalización conformados polo Interventor Xeral, de datas 18 de marzo de 2016, 20 de xaneiro de 2017 e sucesivos.

Dos anteriores informes do Servizo de Fiscalización, fundamentados con amplitude en moi diversas normas legais de aplicación, extráense as seguintes referencias que serían aplicables ao exercicio económico de 2019:

- O obxecto do expediente correspóndese con materia de competencia propia do Concello segundo os artigos 25.2 m da Lei 7/1985, do 2 de abril, promoción da cultura e equipamentos culturais e o 80.2.n), actividades culturais, da Lei 5/1997, da administración local de Galicia.



Copia do documento - Concello de Vigo	Data impresión: 27/01/2020 09:13	Páxina 1 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- A Lei Xeral de Subvencións establece que non están comprendidas no seu ámbito de aplicación as achegas dinerarias entre diferentes Administracións Públicas e entre distintos axentes dunha Administración.
- Forman parte do Sector Público Estatal aos efectos da Lei Xeral Orzamentaria as fundacións do sector Público estatal, definidas na Lei de Fundacións.
- Os axentes da Lei Xeral de Subvencións son os previstos para o ámbito estatal na Lei Xeral Orzamentaria, que deben servir de referencia respecto ao ámbito local.
- A Fundación Marco é unha fundación declarada de interese galego á que lle resulta de aplicación a Lei 16/2010, de 17 de decembro, de organización e funcionamento da Administración Xeral e do sector público autonómico.
- A Fundación Marco reúne as circunstancias necesaria para ser considerada fundación do sector público, xa que en 2020 ten previsto financiarse nun 74,35% polo Concello de Vigo (a través dunha transferencia de financiamento e dunha Subvención Finalista), pola Xunta de Galicia nun 11,35% e polo Ministerio de Cultura nun 3,97% (patrocinios, ingresos propios e outros: 10,34%); ademais que o Concello e as outras administracións posúen a práctica totalidade dos membros dos seus órganos de goberno e representación.

As conclusións principais sobre os informes da Intervención Xeral de 2016, 2017, 2018 e 2019 tamén aplicables a 2020, son:

- A achega que realiza o Concello de Vigo á Fundación Marco é unha transferencia de financiamento non suxeita a Lei Xeral de Subvencións, sobre a que se debe concretar a periodicidade dos pagamentos.
- A comprobación, xustificación, fiscalización e control financeiro da achega municipal (excluída totalmente do réxime subvencional) e actividade da Fundación Marco debe realizarse pola Intervención Xeral.
- Debe procederse á publicación da achega municipal no Portal de Transparencia do Concello, de acordo coa Lei 19/2013.

O Secretario da Administración municipal, no seu informe do 29 de febreiro de 2016, sobre a transferencia de financiamento á Fundación Marco daquel exercicio, realiza a seguinte formulación que se considera extrapolable a outros casos de financiamento incluídos no programa presupostario 3330 (Fundación Liste e Fundación Laxeiro): “podería adecuarse en futuros orzamentos a súa consideración como transferencia de financiamento e completarse nas correspondentes bases de execución deses orzamentos coa normativa á que deberá suxeitarse a citada transferencia, con indicación de periodicidade das achegas, e especial consideración á necesidade de ser fiscalizada previamente ao ser outorgadas e a de ser sometidas a control posterior pola Intervención Xeral”.

Con data 28 de novembro de 2016, 15 de xaneiro de 2018 e 16 de xaneiro de 2019 o concelleiro-delegado da Área consulta ao Interventor Xeral do Concello, en relación ás transferencias de financiamento da Fundación MARCO, Fundación Laxeiro e Fundación Liste-Museo Etnográfico de Vigo (doc 190007151), sobre “se a tramitación e/ou resultados do control financeiro ou auditoría estipulados, que se realizarán por parte dese Intervención Xeral, condicionan o inicio da tramitación e/ou a aprobación do expediente de nova transferencia (...), ou ben debemos esperar a que nos comuniquedes os seus resultados”.

Con data 17 de xaneiro de 2019 o Interventor Xeral informa ao concelleiro-delegado da Área de Cultura (respecto á transferencia de financiamento do exercicio económico dese ano) o seguinte, no mesmo sentido que o fixera para os exercicios anteriores: “*En contestación a súa consulta sobre as transferencias de financiamento a favor da Fundación Marco, Fundación Laxeiro e Fundación Liste,*



Copia do documento - Concello de Vigo

Data impresión: 27/01/2020 09:13

Páxina 2 de 12

Expediente 2657/341

CSV: 23EDEH-BH3EC7-23DA31-X6Z9GY-9GUCP6-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



comunícolle que estas poden ser tramitadas e levadas a proposta de aprobación da Xunta de Goberno Local, independentemente e non condicionada polo posible resultado do control financeiro ou auditoría que realizará esta Intervención Xeral, polo que procede a súa tramitación, de ser o caso.”

Con data 17 de decembro de 2019 o concelleiro-delegado da Área de Cultura, Emprego e Participación Cidadá, remitiu escrito ao Interventor realizando a mesma consulta, si ben non hai constancia de cambios na situación.

As bases de execución do presuposto do exercicio de 2019 non establecen ningunha normativa á que deba suxeitarse as transferencias de financiamento, si ben corresponde á Intervención Xeral a capacidade fiscalizadora do financiamento, previa e posterior. Nos exercicios anteriores o Servizo de Museos só establecía a periodicidade dos pagamentos da transferencia de financiamento que coincidía coa solicitada pola Fundación Marco;

Con data 21 de xuño de 2019 o Tesoureiro e Responsable Superior Contable e Orzamentario xunto co Concelleiro-delegado de Orzamentos e Facenda subscriben a instrución sobre “Cumprimento dos prazos de pagamento”, expediente 104/143 que afecta ao MARCO, como fundación que forma parte do perímetro de consolidación do Grupo do Concello de Vigo, da que resulta:

- As entregas a conta faranse a principio de cada trimestre e a achega dos xustificantes pola Fundación MARCO achegarase con carácter previo aos seguintes anticipos, debendo facerse o correspondente ao 4º trimestre dentro do ano natural.
- O acordo de financiamento para o ano (n) deberá estar aprobado antes do remate do ano (n-1), e as entregas a conta, faranse dentro dos 10 primeiros días do trimestre; polo que compre:
- adaptar os prazos de pagamento da futura transferencia de financiamento, ao calendario indicado na instrución,
- ter recibido no Concello de Vigo a información relativa aos períodos medios de pagamento mensual en relación coa débeda comercial e os xustificantes correspondentes, con carácter previo ao anticipo;
- que a solicitude da Fundación MARCO, sobre transferencia de financiamento do programa e presuposto de 2020, deba terse presentarse nos primeiros días do mes de decembro do ano en curso (co presuposto e programa aprobado polo Padroado); xa que, como indica a instrución, o acordo de financiamento deba estar aprobado antes do remate do ano a financiar e a primeira entrega a conta faranse dentro dos 10 primeiros días do trimestre (antes do 10 de xaneiro de 2020);

Con data 24 de xuño de 2019 foi comunicada ao MARCO a citada instrución e reiterada con data 11 de novembro.

Por tanto, compre adaptar o calendario de pagamentos solicitado pola Fundación Marco ao establecido na instrución (entregas a conta ao principio de cada trimestre e achega previa de xustificantes).

FUNDACIÓN MARCO.-

O Pleno do Concello de Vigo do 29 de xullo de 2002, por unanimidade, acordou a súa participación na Fundación Marco, como entidade fundadora e aprobar os Estatutos da Fundación. Con data 22 de outubro de 2002, constitúese a Fundación Marco, CIF G36909885, na Casa do Concello de Vigo, en escritura pública diante do notario Mariano Vaqueiro Rumbao, protocolo num 2.100. Nos estatutos



Copia do documento - Concello de Vigo	Data impresión: 27/01/2020 09:13	Páxina 3 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

aprobados polo Pleno do Concello e na acta de constitución da Fundación Marco figuran como entidades fundadoras o Concello de Vigo, Caixanova, a Xunta de Galicia e a Deputación Provincial de Pontevedra.

A Fundación Marco está dedicada á realización de actividades culturais de investigación, educación, formación, conservación, exhibición e difusión da arte e da cultura contemporáneas, con particular atención á produción artística da Comunidade Galega, así como a estatal e internacional, mediante a adquisición, a conservación, o estudo, a exposición e interpretación educativa de obras de arte contemporánea, ao tempo que deberá impulsar a estimulación da sensibilidade da sociedade cara á cultura actual.

Con data 5 de xaneiro de 2006 protocolízase en escritura notarial (Núm. 19; Notario: Mariano Vaqueiro Rumbao) a incorporación ao Padroado da Fundación Marco *“Un vocal (1) designado polo Ministerio de Cultura da Administración Xeral do Estado en atención ao seu compromiso estable coa Fundación e en función da súa achega.”*; derivado do acordo do Padroado de data 20 de decembro de 2005.

A Deputación provincial de Pontevedra, entidade cofundadora da Fundación Marco, con data 21 de decembro de 2011 dera por concluídos os compromisos adquiridos con diversas Fundacións e Organismos, entre os que se incluía a Fundación Marco, deixando de pertencer como membro dos mesmos e de participar no seu financiamento cunha achega fixa anual, todo iso, sen prexuízo de que puidera colaborar con eles mediante achegas puntuais, segundo o permitan as necesidades económicas.

Novacaixagalicia (antes Caixanova, entidade cofundadora da Fundación Marco) comunicou á Fundación Marco, en escrito do 31 de xaneiro de 2012 a súa

renuncia á posibilidade de seguir colaborando coa Fundación e rescindindo o compromiso asumido, eximindo “á Caixa” da necesidade de realizar unha achega económica correspondente á súa cota patronal.

O Padroado da Fundación Marco na sesión 25 de outubro de 2018 acordou aprobar os Estatutos Consolidados da Fundación e prodúcese a inscrición no Rexistro de Fundacións de Interese Galego por resolución do 11 de marzo de 2019.

Declaracións de interese cultural e interese galego.

A Fundación Marco, foi clasificada de interese cultural, por Orde de 13 de decembro de 2002, da Consellería da Presidencia, Relacións Institucionais e Administración Pública (DOG núm 2, do 3 de xaneiro de 2003); e foi declarada de interese galego e inscrita no Rexistro de Fundacións por Orde de 15 de xaneiro de 2003 da Consellería de Cultura, Comunicación Social e Turismo (DOG núm 24, do 4 de febreiro de 2003).

Composición actual do Padroado da Fundación Marco.-

Presidente.- Abel Caballero Álvarez, Alcalde do Concello de Vigo.

Vicepresidente.- Abel Losada Álvarez, concelleiro-delegado da Área de Cultura, Emprego e Participación Cidadá do Concello de Vigo.

Vogais.- Jaime Aneiros Pereira, M^a Carmen Lago Barreiro, M^a José Caride Estévez, Teresa Egerique Mosquera, Oriana Méndez Fuentes, Cayetano Rodríguez Escudero, Nuria Rodríguez Rodríguez



Copia do documento - Concello de Vigo	Data impresión: 27/01/2020 09:13	Páxina 4 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



(Concello de Vigo), Anxo Manuel Lorenzo Suárez (Xunta de Galicia) e Begoña Torres González (Ministerio de Cultura).

Vogal de honra.- Carlota Álvarez Basso.

Secretario.- José Riesgo Boluda.

Os representantes do Concello de Vigo foron designados por acordo da Xunta de Goberno Local de data 5 de setembro de 2019 e como consecuencia da nova Corporación xurdida das eleccións locais do 26 de maio de 2019.

SOLICITUDE DE TRANSFERENCIA DE FINANCIAMENTO.-

A Fundación Marco ten achegado a seguinte documentación para a transferencia de financiamento para funcionamento do exercicio 2020 do Museo de Arte Contemporánea de Vigo:

- Solicitud de transferencia de financiamento do Concello de Vigo por importe de 605.000,00 € presentada no Rexistro Xeral do 13 de decembro de 2019 xunto coa seguinte documentación:
 - Orzamento de ingresos e gastos do exercicio 2020, co detalle dos gastos dos principais proxectos e partidas.
 - Programación completa de exposicións para o exercicio 2020.
 - Copia da presentación electrónica do 11 de decembro de 2019 á Consellería de Cultura e Turismo da programación e presuposto para 2020.

Certificacións e declaracións.- No expediente inclúense copias vixentes das seguintes:

- Certificación da AEAT, de estar ao corrente no cumprimento das súas obrigas tributarias.
- Certificación da Axencia Tributaria de Galicia-Consellería de Facenda de non ter débedas pendentes en período executivo non aprazadas, fraccionadas ou cuxa execución estivese suspendida.
- Certificación da Tesourería Xeral da Seguridade Social de non ter pendente de ingreso ningunha reclamación por débedas xa vencidas coa Seguridade Social.
- Certificación do Concello de Vigo de non ter débedas ou sanción de natureza tributaria co Concello na vía de constrinximento.

ORZAMENTO 2020 DA FUNDACIÓN MARCO.-

Na documentación achegada pola Fundación Marco inclúese a información orzamentaria de previsión de ingresos e gastos para o ano 2020, que ascende a un total de 881.047,00 €. As achegas das entidades fundadoras e integradas no Padroado para o ano 2020 que detallan son as seguintes:

➤ Concello de Vigo	605.000,00 € (68,67%);
➤ Concello de Vigo Subvención finalista	50.000,00 € (5,68 %)
➤ Xunta de Galicia	100.000,00 € (11,35%);
➤ Ministerio de Cultura	35.000,00 € (3,97%);
➤ Ingresos Patrocinios	10.000,00€ (1,14%);
➤ Ingresos actividades propias (cursos, alugueres, catálogos,...)	66.047,00 € (7,5%);
➤ Amigos MARCO	15.000,00 € (1,70%).



Copia do documento - Concello de Vigo	Data impresión: 27/01/2020 09:13	Páxina 5 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A previsión da distribución do gasto establécese nos seguintes grupos:

1. Persoal: 295.045,00 € (33,49%);
2. Arranxo patios A2-A3 50.000,00 € (5,68%)
3. Gastos xerais (e extraordinarios): 297.139,00 € (33,73);
4. Exposicións e actividades : 204.123,00€ (23,17%);
5. Gastos financeiros: 1.000,00 € (0,11%);
6. Outros (Amortizacións, deprec cat): 33.740,00 € (3,83%).

A comparación entre a previsión de presuposto de orzamento de 2020 e a estimación do orzamento de 2019 presenta as seguintes variacións:

INGRESOS	ORZAMENTO 2020	ORZAMENTO 2019
Achegas institucións:		
Concello de Vigo	605.000	605.000
Xunta de Galicia	100.000	100.000
Ministerio de Cultura	35.000	35.000
	740.000	740.000
Outros ingresos:		
Ingresos Patrocinios	10.000	10.000
Ingresos actividades propias	60.047	46.908
Subvención Finalista Concello	50.000	0
Amigos MARCO	15.000	13.212
Catálogos	6.000	4.756
	141.047	74.876
TOTAL INGRESOS	881.047	814.876

GASTOS	2020	2019
Persoal	295.045	274.069
Arranxo patios A2-A3	50.000	-
Gastos Xerais+Extraordinarios	297.139	344.205
Exposicións	164.117	164.680
Actividades	40.006	30.275
Gastos financeiros	1.000	956
Amortizacións e deprec cat.	33.740	23.533



Copia do documento - Concello de Vigo

Data impresión: 27/01/2020 09:13

Páxina 6 de 12

Expediente 2657/341

CSV: 23EDEH-BH3EC7-23DA31-X6Z9GY-9GUCP6-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



TOTAL GASTOS	881.047	837.718
--------------	----------------	----------------

VARIACIÓN PORCENTAJES 2020-2019.-

Considerando as porcentaxes de participación das entidades e tipos de achegas, entre a previsión do orzamento total de 2020 e a estimación do orzamento total de 2019 (tomando os datos facilitados polo MARCO), presenta as seguintes variacións:

INGRESOS.-

	<u>2019</u>	<u>2020</u>	<u>Dif. 2020-2019</u>
➤ Concello de Vigo	74,23%	68,67%	-5,56
➤ Concello de Vigo Subv. Finalista	-	5,68%	+5,68
➤ Xunta de Galicia	12,27%	11,35%	-0,92
➤ Ministerio de Cultura	4,29%	3,97%	-0,32
➤ Ingresos patrocinios	1,23%	1,14%	-0,09
➤ Ingresos activs. Propias	6,13%	7,50%	+1,37
➤ Amigos MARCO	1,84%	1,70%	-0,14

GASTOS.-

A previsión da distribución do gasto establécese nos seguintes grupos:

	<u>2019</u>	<u>2020</u>	<u>Dif. 2020-2019</u>
1. Persoal:	37,53%	33,49%	-4,04
2. Arranxo patios A2-A3	-	5,68%	+5,68
3. Gastos xerais:	36,75%	33,73%	-3,02
4. Actividades (expos., activ., etc.):	22,90%	23,17%	+0,27
5. Gastos financeiros:	0,12%	0,11%	-0,01
6. Amortizacións:	2,17%	3,83%	+1,66

XESTIÓN DA COLABORACIÓN DO CONCELLO DE VIGO COA FUNDACIÓN MARCO

Ata 2015 o desenvolvemento das subvencións nominativas outorgadas pola Xunta de Goberno Local á Fundación Marco víñanse regulando, de acordo co establecido no art. 26.1 da Lei 9/2007 de subvencións de Galicia, establecéndose no propio acordo de concesión a regulación das condicións e obrigas (ao igual que no caso da Fundación Laxeiro; con convenio regulador no caso da Fundación Liste). Nesta situación, de tramitación das achegas municipais como subvencións nominativas, a concellería-delegada da Área de Cultura dispoñía da información detallada sobre o funcionamento e actividade destes centros, a través da documentación xustificativa que se presentaban.

O decreto de delegación de competencias da Alcaldía nos concelleiros-delegados, de data 26 de xuño de 2019, establece no Concelleiro-delegado da Área de Cultura, Emprego e Participación Cidadá, entre outras, a seguinte: "e) *en materia de museos: (...) 4. Xestionar as colaboracións do Concello de Vigo coa Fundación MARCO (Museo de Arte Contemporánea de Vigo), Fundación Laxeiro, Fundación Liste-Museo Etnográfico de Vigo, Fundación Museo do Mar de Galicia e representalo nos seus padroados.*"



Copia do documento - Concello de Vigo	Data impresión: 27/01/2020 09:13	Páxina 7 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Coas conformidades do xefe do servizo de Xestión e Promoción Cultural e do concelleiro-delegado da Área de Cultura, Emprego e Participación Cidadá, do concelleiro-delegado de Orzamentos e Facenda, tralo Informe Xurídico e o da Intervención Municipal, faise a seguinte

PROPOSTA Á XUNTA DE GOBERNO LOCAL.-

PRIMEIRO.-

1.- Transferir á Fundación Marco, CIF: G36909885, un importe de 605.000,00 € (seiscentos cinco mil euros) en concepto de transferencia de financiamento xeral do seu programa de actividades e funcionamento correspondentes ao ano 2020, de acordo co seguinte calendario, derivado da instrución do 21 de xuño de 2019 (expediente 104/143) do Tesoureiro e Responsable Superior Contable e Orzamentario xunto co Concelleiro-delegado de Orzamentos e Facenda sobre "Cumprimento dos prazos de pagamento", que afecta ao MARCO, como fundación que forma parte do perímetro de consolidación do Grupo do Concello de Vigo:

- ◆ Unha primeira entrega a conta antes do 10 de xaneiro de 2020 e tralo acordo Xunta de Goberno Local, por importe de 151.250,00 € (25% do importe concedido).
- ◆ Unha segunda entrega a conta antes do 10 de abril de 2020, por importe de 151.250,00 € (25% do importe concedido).
- ◆ Unha terceira achega, antes do 10 de xullo de 2020, por importe de 151.250,00 € (25% do importe concedido).
- ◆ Unha cuarta achega, antes do 10 de outubro de 2020, por importe de 151.250,00 € (25% do importe concedido).

As entregas a conta faranse a principio de cada trimestre e a achega dos xustificantes pola Fundación MARCO realizarase con carácter previo aos anticipos e, en xeral, adaptaranse á citada instrución do 21 de xuño de 2019 (expediente 104/143).

2.- A transferencia de financiamento poderá financiarse con cargo á partida 3330.489.00.03 "Fundación Marco", incluída no presuposto de 2020 do Concello de Vigo, aprobado inicialmente polo Pleno da Corporación Municipal de data 15 de novembro de 2019 e, por tanto, a súa efectividade está condicionada á aprobación definitiva e á vixencia do presuposto municipal para exercicio económico do ano 2020

3.- A fiscalización da transferencia de financiamento realizarase pola Intervención Xeral, directamente cos seus servizos propios ou a través de técnicas de auditoría que puidera contratar.

SEGUNDO.-

O decreto de delegación de competencias da Alcaldía nos concelleiros-delegados, de data 26 de xuño de 2019, establece no Concelleiro-delegado da Área de Cultura, Emprego e Participación Cidadá, entre outras, a seguinte: "e) en materia de museos: (...) 4. Xestionar as colaboracións do Concello de Vigo coa Fundación MARCO (Museo de Arte Contemporánea de Vigo), Fundación Laxeiro, Fundación Liste-Museo Etnográfico de Vigo, Fundación Museo do Mar de Galicia e representalo nos seus padroados."

Co obxecto de xestionar a colaboración do Concello de Vigo coa Fundación Marco, complementaria do financiamento municipal, da representación municipal no Padroado e da cesión do uso do edificio, establécense as seguintes normas e compromisos da Fundación Marco:



Copia do documento - Concello de Vigo

Data impresión: 27/01/2020 09:13

Páxina 8 de 12

Expediente 2657/341

CSV: 23EDEH-BH3EC7-23DA31-X6Z9GY-9GUCP6-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



PRIMEIRA.-

O pleno do Concello de Vigo do 29 de xullo de 2002 acordara participar na Fundación Marco como entidade fundadora e achegarlle determinadas contías para financiamento de gastos derivados do seu funcionamento.

SEGUNDA.-

Na documentación achegada pola Fundación Marco inclúese a información orzamentaria de previsión de ingresos e gastos para o ano 2020, que ascende a un total de 881.047,00 €.

A previsión de ingresos quedará do seguinte xeito:

➤ Concello de Vigo	605.000,00 € (68,67%);
➤ Concello de Vigo Subvención finalista	50.000,00 € (5,68 %)
➤ Xunta de Galicia	100.000,00 € (11,35%);
➤ Ministerio de Cultura	35.000,00 € (3,97%);
➤ Ingresos Patrocinios	10.000,00€ (1,14%);
➤ Ingresos actividades propias (cursos, alugueres, catálogos,...)	66.047,00 € (7,5%);
➤ Amigos MARCO	15.000,00 € (1,70%).
➤ A previsión da distribución do gasto establécese nos seguintes grupos:	
➤ Persoal:	295.045,00 € (33,49%);
➤ Arranxo patios A2-A3	50.000,00 € (5,68%)
➤ Gastos xerais (e extraordinarios):	297.139,00 € (33,73);
➤ Actividades (expos., didac., etc.):	204.123,00€ (23,17%);
➤ Gastos financeiros:	1.000,00 € (0,11%);
➤ Outros (Amortizacións, deprec cat):	33.740,00 € (3,83%).

TERCEIRA.- OBRIGAS DA FUNDACIÓN MARCO.-

1. Cumprir e organizar o programa aprobado polo seu Padroado, asumindo todos os gastos e pagamentos relativos á totalidade do programa de actividades e funcionamento. O Concello de Vigo non asumirá outros gastos ou xestións derivadas da actividade e funcionamento, diferentes á transferencia de financiamento ou partidas que consten nos presuposto municipais a favor do MARCO e que aprobe a Xunta de Goberno Local ou órgano de goberno competente.
2. Responsabilizarse da organización integral da programación realizada pola Fundación Marco, como entidade titular e responsable de todas as actividades, servizos e funcionamento subvencionados.
3. Incorporar os anagramas-logotipos do Concello de Vigo e comunicarlle as roldas de prensa, presentación a medios ou todo tipo de comunicacións ao exterior nas que se deberá facer mención expresa ao financiamento municipal.
4. Colaborar co Concello de Vigo, coa participación da Fundación Marco, na Rede Museística e Expositiva promovida pola administración municipal.
5. Comunicar ao Concello de Vigo as modificacións dos programas aprobados ou en fase de realización, en particular os cambios ou cancelacións de elementos do proxecto de actividades, servizos e funcionamento.

CUARTA.- OBRIGAS DO CONCELLO DE VIGO.

1. Realizar o seguimento do desenvolvemento das actividades da Fundación Marco e colaborar na súa viabilidade.



2. Tramitar o pagamento do importe das transferencias de financiamento; de acordo co calendario aprobado pola Xunta de Goberno Local.

QUINTA.- MECANISMOS DE SEGUIMENTO DA COLABORACIÓN. UNIDADE XESTORA.

A unidade xestora da colaboración coa Fundación Marco é o servizo de Museos Municipais do Concello de Vigo, ao que a Fundación Marco informará sobre o desenvolvemento das súas actividades e funcionamento.

A unidade xestora ten a encomenda de comprobación da realización das actividades, servizos e funcionamento do proxecto de actividades.

SEXTA.- DIFUSIÓN DO CARÁCTER PÚBLICO DO FINANCIAMENTO E DAS ACTIVIDADES DO PROGRAMA

A Fundación Marco adoptará as medidas necesarias para publicitar axeitadamente o carácter público do financiamento, por parte do Concello de Vigo, do seu funcionamento xeral; incorporando esta publicidade, de forma particular, nos propios centros, nas publicacións, na páxina web, nas presentacións e difusión das súas actividades, etc., procurando previamente a conformidade da Concellería-delegada da Área de Cultura.

A Fundación Marco asumirá integramente a produción de material gráfico para difusión, tanto o de tipo xeral relativo ao Museo, como o das actividades programadas. O anagrama-logotipo do Concello de Vigo figurará debidamente en todas as publicacións e soportes publicitarios que se produzan, ademais das lendas que se acorden.

Se no financiamento das actividades ou publicacións interveñen outras entidades distintas do Concello de Vigo, na difusión deberá acordarse coa Concellería-delegada da Área a prelación e características para cada caso.


O deseño gráfico de publicacións e materiais de difusión deberá ser enviado ao servizo de Museos Municipais, previamente ás impresións, como mínimo naquelas partes onde figuren as referencias ao Marco (ou á Fundación), aos servizos, actividades, Concello de Vigo e outras entidades que realicen algunha achega ao proxecto anual financiado no seu conxunto polo Concello. O material editado dispoñerá dos depósitos legais correspondentes.

A difusión aos medios de comunicación de informacións sobre as actividades programadas (roldas de prensa, difusión de noticias, informacións, traballos, etc) deberá estar previamente acordada coa Concellería-delegada da Área de Cultura, Emprego e Participación Cidadá.

A Fundación Marco comprométese á utilización dunha linguaxe e imaxe non sexista nos materiais de publicidade que se empreguen para a difusión da actividade ou evento. Tamén se compromete ao emprego de imaxes non estereotipadas e que visibilicen a achega das mulleres nas facetas públicas da sociedade e non só no eido privado ou familiar.

LINGUA DE DIFUSIÓN E PUBLICACIÓNS.-

En consecuencia co establecido na vixente Ordenanza da Normalización Lingüística do Concello de Vigo, a lingua galega é a lingua principal de comunicación; polo tanto e con carácter xeral só se considerarán dentro do proxecto e programa financiado as publicacións e elementos de difusión e publicidade editados en galego, teñan ou non carácter periódico. A utilización doutras linguas dis-

	Copia do documento - Concello de Vigo	Data impresión: 27/01/2020 09:13	Páxina 10 de 12
	Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



tintas ao galego nas publicacións e difusión quedan sometidas aos acordos específicos coa concellería de Cultura, Emprego e Participación Cidadá, para que os elementos sexan financiáveis.

SÉTIMA.- INFORMACIÓN SOBRE ACTIVIDADE E FUNCIONAMENTO DA FUNDACIÓN MARCO.-

A Fundación Marco achegará á concellería-delegada da Área de Cultura, Emprego e Participación Cidadá do Concello, para o seu coñecemento, información e documentación sobre as súa actividade e funcionamento, sen prexuízo do control e fiscalización das achegas de transferencia de financiamento que corresponderá á Intervención Xeral.

DOCUMENTACIÓN A ACHEGAR POLA FUNDACIÓN MARCO AO CONCELLO.-

- a) Informes trimestrais sobre actividades realizadas, con datos e detalles sobre participantes, e sobre funcionamento da Fundación Marco; que se achegarán nos dez primeiros días naturais do trimestre seguinte ao do período do informe.
- b) Relación de ingresos e gastos do período trimestral correspondente, clasificada por cada unha das actividades, grupos e por funcionamento da Fundación Marco, con indicación de acredores, conceptos, datas de emisión e importes.
- c) Acreditación de ter entregado ao servizo de Museos Municipais do Concello de Vigo dez exemplares de cada publicación ou dos materiais de difusión editados ou producidos. No caso de que non se editara material para algunha actividade deberá indicarse, expresamente esta circunstancia. Se algunha actividade dispuxera de material gráfico, publicacións ou catálogos editados por entidades distintas á Fundación Marco, o Museo achegará un mínimo de catro exemplares ao servizo de Museos Municipais do Concello.
- d) Copias das convocatorias e actas do Padroado da Fundación Marco.
- e) Documentación sobre os asuntos a tratar nas sesións do Padroado dirixida ao Concelleiro-delegado da Área de Cultura, Emprego e Participación Cidadá con antelación á súa realización.
- f) Gastos de persoal, xustificandos cos contratos de traballo (copias compulsadas e nas sucesivas memorias trimestrais, senón houbera cambios, unha declaración da dirección ou presidencia neste sentido; de habelos, achegaríanse as novas copias compulsadas dos contratos), as nóminas e os boletíns de cotización á Seguridade Social (TC1 e TC2).
- g) Memoria-avaliación do programa de actividades e funcionamento da Fundación Marco de cada exercicio, nos dez primeiros días naturais despois do remate da anualidade, que deberá incluír como mínimo os seguintes datos e documentos:
 - Datos sobre os participantes nas actividades (número e perfil dos asistentes, presentados por mes e por cada unha das actividades do programa).
 - Memoria de prensa.
 - Memoria económica, con relación de ingresos e gastos, clasificada por cada unha das actividades, grupos e por funcionamento do centro, con indicación de acredores, conceptos, datas de emisión e importes.

A Fundación Marco deberá facilitar toda a información que lle fora requirida pola Concellería-delegada de Cultura, Emprego e Participación Cidadá, pola Intervención Xeral do Concello de Vigo, o Tribunal e Consello de Contas, no exercicio das súas funcións de fiscalización e control do destino das subvencións.

A Fundación Marco deberá comunicar ao Concello de Vigo, a través do servizo de Museos Municipais a tramitación e obtención, no seu caso, doutras subvencións, axudas, ingresos ou recur-



Copia do documento - Concello de Vigo	Data impresión: 27/01/2020 09:13	Páxina 11 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

sos que financien a súa actividade ou funcionamento. Esta comunicación deberá efectuarse no momento no que se coñeza.

OITAVA.-

Ao tratarse a Fundación Marco de Vigo dun ente financiado maioritariamente polo Concello de Vigo queda suxeita ás obrigas e cumprimentos que establece a LO 2/2012, de 27 de abril, de Estabilidade Orzamentaria e Sostenibilidade Financeira e o RD 1463/2007, de 2 de novembro polo que se aproba o Regulamento de desenvolvemento da Lei 18/2001, de estabilidade orzamentaria; por conseguinte deberán cumprimentar os datos relativos aos seus orzamentos e liquidacións telematicamente a través da Oficina Virtual para a Coordinación Financeira coas Entidades Locais dependente do Ministerio de Facenda e Administracións Públicas, por conformar un ente da Base de Datos Xeral dos Entes Locais regulados no RD 1463/2007.

Así mesmo con carácter trimestral cumprimentarán na citada Oficina Virtual a información de pagamentos para os efectos do esixido na Lei 3/2004, de 29 de decembro pola que se establecen medidas de loita contra a morosidade comercial.

Por último, para os efectos de dar cumprimento ao establecido pola Orde HAP /2105/2012, 1 de outubro, modificada pola Orde HAP/2082/2014, de 7 de novembro con carácter trimestral queda obrigada a cumprimentar toda a documentación e información que regula a citada Orde en desenvolvemento do artigo 12 da LO 2/2012, de 27 de abril, de Estabilidade Orzamentaria e Sostenibilidade Financeira a través da Oficina Virtual para a Coordinación Financeira coas Entidades Locais.

Por último a Fundación ten a obriga da de dar cumprimento mensualmente a publicación dos datos do período medio de pago a provedores en cumprimento do establecido polo Real Decreto 635/2014, de 25 de xullo, polo que se desenvolve a metodoloxía de cálculo do período medio de pago a provedores das Administracións Públicas e as condicións e o procedemento de retención de recursos dos réximes de financiamento previstos na Lei Orgánica 2/2012, de 27 de abril de Estabilidade Orzamentaria e Sostenibilidade Financeira.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 27/01/2020 09:13	Páxina 12 de 12
Expediente 2657/341	CSV: 23EDEH-BH3EC7-23DA31-X6Z9GY-9GUCP6-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		